

相隔4年出新碟 接受「再培訓」

軒仔贈生B秘方 賀Tyson結婚

張敬軒相隔4年再出新碟，為了令歌迷有新鮮感，唱功了得的他接受「再培訓」，找歌唱老師學唱歌。對於好友Tyson Yoshi快將結婚，軒仔笑言要送家傳生B秘方給對方：「我媽媽有好多『一擊即中』嘅秘方！」

張敬軒、江耀生（AK）與蘇雅琳（Ivy So）前晚出席護膚品牌活動，軒仔透露剛於東京錄完新歌，主要想跟更多不同監製合作，原本他已有七八首歌完成錄音，但全部要重錄。問到錄好的歌豈非浪費？他說：「可以有唔同版本，而且搵得番，今日嚟賺錢就係用嚟重新錄歌。」

相隔4年再出新碟，軒仔坦言心情興奮，自爆專誠找歌唱老師學唱歌。記者指他唱功了得，為何仍要學唱歌？他笑言：「職業再培訓嘛，潮流變緊，過咗上一章節要有變化，要有新鮮感，開一個新章節。」他坦言近年主力做演唱會，很少走入錄影室：「始終令我可以行得更遠嘅係作品，而唔係社交媒體或人氣。」提到好友Tyson Yoshi宣布將於歐洲舉行婚禮，軒仔笑言：「我諗過送金豬，但過大禮應該有，同埋佢兩個真愛無敵，想送啲實際嘢，就送生BB秘方！我媽媽有好多『一擊即中』嘅秘方，係我張家傳！」

對於有傳好友鄭欣宜加盟環球唱片，並參加內地節目《歌手2025》作為復出，軒仔表示沒刻意聯絡欣宜：「每個歌手去到下一個里程碑前都會想休息，可以更清晰知道之後想做乜嘢。欣宜好叻，會搵到一個新嘅方式再出發返樂壇。」

AK做演唱會嘉賓壓力大

AK將於本周六與MIRROR隊友Lokman、Alton及Frankie舉行小組演唱會，AK坦言暫時心情不算緊張，反而之前擔任麥浚龍演唱會嘉賓壓力更大，因《（一個男人）一個女人和浴室》很難唱，但獲前輩邀請做嘉賓好開心。至於COLLAR將於8月開騷，Ivy笑言目前籌備進度仍是零，但開心門票於一小時內售罄，希望可以加場。



■ Tyson 與女友將於歐洲舉行婚禮。
資料圖片



■ Ivy 與AK結伴出席活動。



■ 軒仔笑言出席活動搵錢，是為了幫補重錄新歌的費用。

喬美沙參加《聲秀》 力證唔係得個樣

無綫官方社交平台昨日公布歌唱大賽《聲秀》25位潛力新星的個人資料，當中不乏顏值擔當！柯雨霏於海選時獲封「陳滢2.0」，於香港城市大學修讀媒體與傳播系的她，不止一次榮獲校內歌唱比賽冠軍，讀小學時更是歌唱比賽常客。

喬美沙貌似謝安琪與Jessica C.，是2022年澳洲華裔小姐冠軍兼最上鏡小姐，她說：「有人話我係澳洲選美冠軍，又唔識廣東話，根本唔應該參加呢個歌唱比賽。但我唔想畀外表定義我嘅一切，我好鍾意唱歌跳舞，想用我嘅表演令大家喜歡我。」

■ 柯雨霏貌似陳滢。

■ 喬美沙是澳洲華裔小姐冠軍。



■ 黃嘉雯與蜥蜴玩得很開心。lg 圖片

黃嘉雯抱蜥蜴初體驗

前港姐冠軍黃嘉雯經常在社交平台分享與愛犬的日常，近日她帶愛犬上dog training，她指動物雖然不懂人類的語言，但只要有耐性和透過合適工具，可以讓牠們理解人類的想法。她又稱愛犬首次接觸烏龜、雀仔及蜥蜴，覺得無論是什麼動物，都應該讓牠們認識這個多樣化的世界，而不是感到害怕，應該學會理解和尊重其他動物：「我覺得呢個課堂最大嘅得着係同佢哋一齊成長一齊學習，唔好話佢哋，我都係第一次抱蜥蜴咋。」

張崇德用遊戲教唱歌

星級歌唱老師張崇德和星級結他演奏家劉卓威昨日舉行記者會，宣布兩人旗下音樂學校「MMP音樂人教室」及「Guitar Concept」將合辦首個線上歌唱班，張崇德第一代學生蔡瀚億（BabyJohn）專程到場支持師傅。BabyJohn透露2002年15歲時首次跟張崇德學唱歌：「師傅會用好多遊戲，令我好容易理解唱歌嘅原理。」張崇德表示：「唱歌係為咗開心，用樂趣同生活化令學生更容易去學，就算佢哋收工謝咗咁，都可以笑住走，而網上班就可以令到更多人開心。」



■ 蔡瀚億（右）小時候跟張崇德學唱歌。